

ՃԱՆԱՊԱՐՅՈՐԴԱԿԱՆ ՅԻՇԱՏԱԿԱՐԱՆԻՑ

Վենետիկի անւան հետ կապւած են անթիւ պատմական լիշողութիւններ: Այստեղ է եղել սոսկալի հասարակաստեղծութիւնը իւր դժուրով ու տասի խորհրդով, ալստեղ է սպանել տարաբաղդ Մարինօ Ֆալիէրին, ալստեղ է ծաղկել հռչակաւոր Տիցիանի և Պաւլոս Վերոնացու դպրոցը, ալստեղ են մասամբ կատարուած Շէքսպիրի «Օթելլօ» և «Վենետիկի վաճառական»-ի գործողութիւնները, ալստեղ ապրել են մի շարք նշանաւոր գործիչներ: Սարայի, Զօրդանօ Բրունօ, Ժան Ժակ Ռուսօ, Բալզըն... Բայց հասարակ տուրիստը, որ չէ սիրում թափանցել պատմութեան խորքերը, մօտենալով ալդ քաղաքին, ամենից առաջ միտն է ձգում նորա օտարոտի կերպարանքը, որ չուղել էր իւր հետաքրքրութիւնը գեռ ուսումնարանի նստարանից: Եւ իրաւի, ինչ կարող է լինել օտարական ճանապարհորդի համար աւելի հետաքրքրական քան հարկաւոր կամուրջներով միացած կղզիների վերաջ կանգնած մի քաղաք, որտեղ կանալները (ջրանցքները) ծառայում են փողոյների տեղ և նաւակները՝ կառքերի տեղ:

Ես հասալ Վենետիկ դիշհրալ կէսին: Վօկլալից դուրս եկալ թէ չէ, տեսնում եմ առջիս... Չրի փողոց՝ վրան բաղմաթիւ սկ, ըստ Բալզընի սուր դիտողութեան՝ դազաղի պէս մռալլ նաւակներ: Դրանք էին համբաւատենչ գոնդոլները: Ոչ առանց երկիւղի, բալց և ոչ առանց ներքին հաճութեան ես նստեցի ալգ նաւակներից մէկը և պատուիրեցի տանել ինձ հիւրանոց: Խորհրդաւոր լռութեան մէջ սահում էր իմ գոնդոլը դէպի անծանօթ նաւահանգիստը: ոչ մի տեղից ձալն-ծպտուն չէր լսում: Միաջն գոնդոլիէրիս չափաւոր թիալարութիւնն էր խանգարում ընդհանուր անդորրութիւնը: Մենք մերթ անցնում էինք հնադարեան շինութիւնների առջից՝ լալն կանալներով, մերթ ալնպէս էր նեղանում ջրանցքը, որ թուում էր ահա ահա որտեղից որ է մի քար կ'ընկնի գլխիդ ե տեղն ու տեղը կը սպանէ քեզ: Մօտ կէս ժամալ ձանձրալի պտուտներից լետով՝ ես վերջապէս հասալ ցանկալի հիւրանոց: Գոնդոլիէրս ըստ խաւալկան սովորութեան՝ բացի որոշեալ վարձից ոտացաւ նաև անխուսափելի mancia (pour-boire): Մի թխաղէմ, քնաթաթախ աչքերով պարոն առաջնորդեց ինձ դէպի մի փոքրիկ, աննախանձելի կահ կարասիքով սենեակ: Առանց սա-

կարկելու, լողնած ու ջարդած ես իսկոյն պառկեցի քնելու՝ միւս օրը ուխտս կատարելու մտքով։

Առաւօտեան տասը ժամին, երբ ես նոր էի վեր կացել և կամենում էի դուրս գալ քաղաք, ունենակս մտաւ մի երիտասարդ իտալացի և ներկայանալով ինձ «Guida autorizzato», տւեց ինձ իւր ալցետոմսը և առաջարկեց ինձ ցոյց տալ Վենետիկ բոլոր նշանաւոր եկեղեցիներն ու շինութիւնները։

Վարձատրութեան մասին պայմանաւորելով, մենք միասին դուրս եկանք ս. Մարկոսի հրապարակը, ալցելեցինք մալր-եկեղեցին, որ հիացրեց իւր անբաւ հարստութիւններով, իւր գեղարեստական մոզաիկներով, բառէլիէֆներով և սիւներով, բալց խոստովանում եմ, ընդհանրապէս խոր տպաւորութիւն չը գործեց վրաս և պատրաստում էինք գնալու ս. Ղազարու կղզին, երբ իմ ուղեցույցը կանգնեց մօտից անցնող երկու մօրուքաւոր վարդապետների առաջ և ասաց ինձ, որ նրանք Միսթարեան միաբաններից են։ Սա դիմեցի նրանց հալերէն և ծանօթանալով նրանց հետ, լալտեցի ուրախութիւնս։ Նրիտասարդ վարդապետները եկել էին քաղաք դործի և նոյն ժամին պիտի վերադառնային ս. Ղազար. նրանք ամենալն պատրաստականութեամբ հրաւիրեցին ինձ ընկերանալ իրանց հետ և իրանց նաւակով դնալ վանքը։ Շնորհակալութեամբ ընդունելով ալք հրաւերը, ևս արձակեցի ուղեցույցիս և նոր ծանօթներիս հետ ուղղեցի քալելու դէպի Piazzetta, որտեղ նրանց սպասում էր մի ուրիշ վարդապետ. ծանօթացաւ նորա հետ էլ. միասին նստեցինք Barca degli Armeni, ինչպէս ալստեղ կոչւում է Միսթարեանների նաւակը, և ճանաչար ընկանք. ժամի մէկը կը լինէր։ Արեւ սփռել էր իւր Նշուները կապուտակ ջրի խաղաղ մակերեսովի վերայ. Բանի հեռանում էինք ափից, այնքան աւելի դիւթական կերպարանք էր ընդունում քաղաքը։ Սկզբում ևս հաճութեամբ ականջ էի դնում քաղաքի շշուկին, հիանում էի արեղակի ճառագայթներով ոսկեզօծած՝ և կեղեցիկների դմբէթների տեսքով, նալում էի աննկատելի կերպով փոքրացող տների վերայ, բալց երբ ափը ծածկւեց աչքիցս, և առանձին տեսարանների փոխարէն, հանդէս եկաւ ամբողջ քաղաքը որպէս մի ջրածին լուսափալ չաւրժանարս, ես ականալ մտաբերեցի «Աղբիական ծովի Թագուհու» մասին մի Ֆրանսիացի մատենագրի ասածը. «Վենետիկը արևի դուստր է, ոչ թէ գիշերալ»։

Piazzetta-ից մինչև ս. Ղազար մօտ մի ժամալ ճանապարհ է։ Զբաղւած լինելով իմ նոր ծանօթներիս հետ խօսակցութիւնով, ես չը նկատեցի, ինչպէս անցանք S. Servolo և Libo կղզիների մօտով և սթափւեցի միայն այն ժամանակ, երբ ուղեկիցներիցս մէկը մատով ցոյց տւեց ինձ կանաչադարձ ծառերի ետևը երևացող վանքի գմբէթը։ Դա ս. Ղազարու կաթուղիկէն էր։ Սա անկարող եմ հաղորդել ձեզ այն երկիւղածութեան զղացմունքը, որով մօտենում էի ես հալական զրականութեան և գիտութեան

ալդ նախկին ճեմարանին, Աստեղ է հանգչում Մխիթար Աբաստացին, ալստեղ են գործել Չամչեանները, Ինճիճեանները, Սոմալները, Աւետիքեանները, Բագրատունիները, Աւդերեանները, Հիւրմնգեանները... ալստեղ է ապրում Աւարայրի սոխակը՝ ալեզարդ Նահապետը՝ ժամանակիս առաջնակարգ հալ հնախօսն ու աշխարհադիրը... Մինչ ես պաշարւած էի բուռն վշտով թիւներով, կղզին արդէն որոշակի հանդէս նկատւեալ Երևաց պարտիզում մի մարդու գլուխ՝ սպիտակ թաշկինակով ծածկած, և կրկին անհետացաւ ծառերի ետեւ, Դա հ. Ղևոնդ Ալիշանն ինքն էր, իմ ուղեկիցները ինձ բացատրեցին, որ ծերունի բանաստեղծը սիրում է դրօսները պարտիզում, նախել ծովակի վերայ, ուղղել հալեացքը դէպի Վենետիկ Գինջ երկինքը և վշել իւր պաշտելի հայրենիքը, որի բնութիւնն ու անցեալի վաշտակները ալեքան սնունդ են տւել նորա բանաստեղծական երևակալութեանը, Խստակրօն վանական, ցուրտ օրերը պարտէզ դուրս դալիս, հ. Ալիշանը չը մրսելու համար բաւականանում է գլուխը ծածկելով միայն մի թեթիւ թաշկինակով։

Ոտ դնելով ս. Ղազարու կղզին, ծանօթներիս ուղեկցութեամբ եւ բարձրացալ երկրորդ չարկը, անցալ կօրրկորով և մտալ մի բաւական մեծ՝ լուսաւոր սենեակ, որի մէջ տեղը դրած էր մի քառանկիւնի սեղան՝ վրան բազմաթիւ թերթեր, Դա միաբանութեան ընթերցարանն էր, Որքան քաղցր էր ինձ տեսնել հալոց լրագրերի առատութիւնը, ալեքան ցաւալի էր նկատել օտարազգի հրատարակութիւնների ծաղալեղ պակասութիւնը, Նոր չէ ալն դիտողութիւնը՝ որ Մխիթարեան հայրերը, ապրելով եւրոպական մեծամեծ կենտրոններում, շատ չտեսնում ալտեղ կաաարուող մտաւոր շարժումից, և ես անձամբ համոզւեցի ալդ տխրալի իրողութեանը, Բացի մի երկու-երեք օտարազգի մասնադիտական հանդէսներից, ես չը տեսալ սեղանի վերայ ոչ մի փոքր ի շատէ նշանաւոր եւրոպական լրագիր կամ ամսագիր, Արդարև, անիրաւացի է պահանջելը՝ որ մի կրօնական-գիտնական միաբանութիւն ուղադրութեամբ հետէն առօրեալ հարցելով դժադող մամուլին, թէն դորա մէջ էլ ես տեսնում եմ միմիայն օգուտ, — բալց միանգամայն արդարացի է սպասելը՝ որ մխիթարեանները, որ սլարապում են ըստ մեծի մասին լեզադիտութիւնով, պատմութիւնով, հնագիտութիւնով և առհասարակ ֆիլոլոգիական գիտութիւններով, ստանալին գէթ գիտութեան ալդ ճիւղին վերաբերեալ բազմաթիւ հանդէսներ, Դժբախտաբար, ալց էլ չը տեսալ ես, Ժամանակակից գիտութիւնը և մամուլը ալքաթող անելն է մասամբ պատճառ, որ Մխիթարեանները չեն ըմբռնում կեանքը իւր բոլոր պահանջներով, չեն ցոյց տալիս քննական հալեացք երկրի վերայ և նոյն իսկ չեն հասկանում ալն խնդիրների կարևորութիւնը, որ չօչափում է մեր գրականութիւնը, Որպէս ալաւցողք ասածիս՝ մէջ կը բերեմ մի փաստ, Երկու օր անցած, երբ ես եկել էի հրաժեշտիս ողջունը տալու ս. Ղազարու միաբաններին, միաբա-

ճութեան լալտնի ճերկացողիչներին մէկի և սողերիս զրադի մէջ խօսք բացւեց ուսանալոց մամուլի զրութեան մասին: Յարգելի վարդապետը, խօսելով «Մուրճ»-ի մասին, գտնում էր, որ ալդ ամապիրը «բան մը չէ», որովհետև չէ տալիս «աղգալին» պատմութեան և լեզաագիտութեան վերաբերեալ լեզաածներ և զբաղւում է ալնալիս խնդիրներով, որոնք՝ իւր տեսակէտից, նշանակութիւն չ'ունին հալ ընթերցողի համար: Այդ տեսակ խնդիրներին են նորա կարծիքով պանդխտութեան և հոգատիրութեան խնդիրները: Եւ իզուր էի աշխատում հաստատել որ ալդ խնդիրները ունին մեզ համար կենսական նշանակութիւն, որ մի հասարակական-դրական օրդան պարտաւոր չէ իւր էջերը լցնել չոր ու ցամաք ֆիլոլոգիական հետազոտութիւններով, թէև ես համոզւած եմ, որ նա ուրախութեամբ կը բանալ իւր էջերը հանրամատչելի դիտական լեզաածների համար՝ թէկուզ զրանք վերաբերւէին նոյն ֆիլոլոգիային,—իմ խօսակիցը, երեի քաղաքավարութիւնից, ինձ՝ հրերիս հետ չը վիճելու համար բաւականացաւ լալտնել իւր անհամաձայնութիւնը կէս հարցական, կէս կասկածական ակնարկով: Զարմանալիս ալն է, որ Միւրթարեանները նոյն խկ իրանց սիրած մասնագիտութեան մէջ եթէ ոչ անշարժ, գոնէ սահմանափակ են: Մեր հին պատմիչների կրիտիկական ուսումնասիրութիւնը նրանց տեսակէտից հաւասար է աղգալին պատւի վիրաւորութեան և վաճ նրան, ով չանդգնի խախտել Ազաթանգեղների և Խորենացիների աւտօրիտէտը: Մի քանի տարի սրաւառ Վաղմաւէտը—ու սկսեց տպւել գերմանացի գիտնական Ա. Գուտշիդի մի հետազոտութեան թարգմանութիւնը, բայց հէնց առաջին երեսներից խմբագրութիւնը հարկ համարեց զաղաքեցնել ալդ դրւածի տպագրութիւնը, վախենալով գրգռել իւր ղէմ «հալւենասէր» ընթերցողների գալուցը... Այդ մարդկանց համար կարծիքի ազատութեան զաւախարը իրագործելի է մի միայն նեզ դաւանաբանական շրջանում. ալդ շրջանից դուրս՝ նրանք իրանց զգում են կաշկանդւած և անզօր, և առանց պատճառի չէ՝ որ աւելի ազատ մասածելու տրամադիր գլուխները, ինչպէս Նորալը Իւլգանդացի և Գարադաշեան, չեն դիմանում ալդ հեղձուցիչ մըթնոլորտին:

Մի հինգ րոպէ չետու իմ խնդիրքով ինձ ստարան հ. Վանդ Ալիշանի մօտ: Նշանաւոր անձերի արտաքին անքի և ղէմքի գծագրութեան մէջ չափերը հակւած են որոնելու նրանց հանճարի կնիքը: Եւ չեմ մխառնում, որ լալտնի կապակցութիւն սխտի լինի մարդուս արտաքին կերպարանքի մ նորա հոգեկան և մտաւոր գրութեան միջև, թէև ինձ թւում է, որ ալդ կապակցութիւնը որոշել, ղէթ գիտութեան ալթմեան վիճակի մէջ, անհնարին լինելու չափ դժւար է: Բայց և ալնպէս միանգամալն բնական է որ մեզ հետաքրքրէ Ալիշանների արտաքինը: Մի նիհար միջահասակ, աւետր ծերունի, կուես գլխով, խորշոմներով պատած լալն ճակատով, թաւ լօնքերով Ղևոնդ Ալիշան: Ուրիշ էլ թնչ կերպարանք աւելի լարմար էր Նա-

հասցեատիր, Նորա հալեացքը քաղցր է և խնայցի, ձալնը փափուկ և ախոր
ժելի, չարժւածքը աշխուժ և աղնիւ, վարսողութիւնը պարզ և անարեւստ:

Այս առաջին հանդիպմանս՝ մեր խօսակցութիւնը, որ բնականապէս
պտտում էր սովորական հարց ու փորձի շուրջը, տեսց միայն մի քանի
րոպէ: Բայց հենց առաջին րոպէից ես նկատեցի աղ մարդու մի համակ-
րելի բնագիծը, որ ալնքան հազւագիւտ է մեր՝ քիչ անող ըստ մեծ աղ-
մուկ հանող գրողների մէջ: Նրա ես խորին չարգանքի զգացմունքով մօտե-
ցալ համբուրելու ալն ձեռը, որ ալնքան աշխատել է հազկական զրակա-
նութեան համար և սրտի բերկրութեամբ արտասանեցի. «Նա բաղդաւոր և մ
Ձեզ տեսնելու», հ. Ալիշան շփոթեց, աչքերը լատակը ձգեց և զգացւած,
ձեռնից բռնելով, հրաւիրեց նստել: Մի գարմանալի զուգագիպութեամբ
խսկոյն մաքուլս անցան «Յուշիկը»-ի ալս խօսքերը՝ որ պատմական հասա-
կիցի դրոշմակ էին սրտիս մէջ: «Ո՛հ դեղեցիկ են մալխի առաւօտունց ցօ-
ղակալի վարդակարմիր փնջիկքն՝ դալար ճակտի մը բոլորած. սակալն շատ
աւելի պայծառ է ամթխածութեամբ խալճեալ երևոն. և աւելի ալնիւ՝
անոր վրալ չարած աշխատութեան կալակաները»: Հ. Ղ. Ալիշան մարմնա-
ցած աշխատութիւն է: Նորա բաղմահատոր գրւածները ¹⁾, որոնք և ևրեւելի
հալ բանաստեղծի և գիտնականի հռչակ են տւել հեղինակին, խղճմտաւոր
և մանրադնին ուսումնասիրութեան արգասիք են, և չընալած իւր ևօ-
թանաւնամեալ հասակին, նա չարունակում է դեռ դրել անձանձրութիւն և
աննւաղ եռանդով: Բացի մեր բանասէրներին չալտի գրւածներից, նա
ռնի և մի հսկալական անտիպ աշխատութիւն, որի մէջ մեղուաջան խնամ-
քով հաւաքել է հալքենագիտութեան վերաբերեալ ամեն տեսակ տեղեկու-
թիւններ և որին տւել է «Հալկարան» անունը: Տեղը չէ ալստեղ դին զննել
Ալիշանի երկարամեալ գրական գործունէութեանը, բայց մի քանի դիտո-
ղութիւններ, յարծում ենք, աւելորդ չեն լինի մեր վերաբերութիւնը դէպի
ալք գործունէութիւնը որոշելու համար:

Մեղանում քննադատական ոգու բացակայութիւնը ոտեղծել է մի
ալնպիսի դրութիւն, որ որ և իցէ հեղինակի գնահատութեան մէջ ընթերցողը
սովորել է որոնել կամ անպալման գովասանք կամ անընտրող կշտամբանք:
Ալիշանի մասին մինչև օրս չալտնած կարծիքները վերաբերում են փքնա-
դատութեան: առաջին տեսակին: Մեր լրագրութեան մէջ նորերս նրան
անանեցին և գարուս ամենամեծ հալ բանաստեղծ և մատենագիր, և հան-
րագէտ գիտնական և մեծ հալքենասէր...: Հասկանալի է որ ալք բոլորը
ասւած լինելով մի ալնպիսի ժամանակ, երբ հասարակութիւնը պատրաստ-
ւում էր արտալալտելու իւր ևրախտագիտութեան զգացմունքը իւր տօնելի

1) Աշխարհադրութիւն քաղաքական, Նոյալք 5 հատոր, Յուշիկք Հայրենեաց
Հայաց 2 հատոր, Նշմարք և Նշխարք Հայաստանի, Տեղագրութիւն Ներակայ, Շնոր-
հալք և Պարագայ իւր, Սխուան և այլն և այլն:

Նահապետին, ըստէական և վաղանցուկ ոգևորութեան արդիւնք էր և ոչ լրջմիտ քննութեան հետեանք: Տաղանդներն ու հանճարները ծնւում են, բայց շրջապատող պայմաններին է կախած նրանց վարդապետը, թուլանալով կամ ամփակ դրութեան մէջ մնալով: Աւելի նպաստաւոր պայմաններում դուցէ Ալիշանից մշակէր մի ճշմարիտ մեծ մատենագիր, սակաւն, նրա ստացած կրթութիւնը, նրա կոչումը, նրա շրջանը արգելք են եղել նրան հանդէս դալու իւր բնական ձիւքերի ամբողջ փալլով և ամբողջ դորութեամբ: Կաթօլիկ ընտանիքի զաւակ, հ. Ալիշան իւր ուսումնի ու դաստիարակութիւնը ստացել է Ս. Ղադարու վանքում: Ալիշան է որքան թերի և աւելին չ'ասելու համար՝ միակողմանի պիտի լինէր մի կրթութիւն, որի գլխաւոր նպատակն է եղել պատրաստել աշխարհային վալելչութիւններին հրաժարւած մի վանական, ալն էլ կաթօլիկ վանական: Որքան և մեծ լինէր Ալիշանի բնատուր բանաստեղծական հանճարը, ալնու ամենալինու նա չէր կարող աղատ դարգանալ մի ալնպիսի մթնոլորտում, որտեղ մարդկային եսը, անհատական հոգին տանում է անտրտուն չ՝ պայմանական բարոյադիտութեան չոր ու ցամաք կանոնների հոգևպան ծանրութիւնը: Այդ տեսակ պայմաններում ապրող սաղանդը նման է վանդակում փակւած թռչնակի, որ դուրս թռչելու ապարդիւն փորձերից լիտոյ, հաշտւում է իւր անել վիճակի հետ: Այդ տեսակ բանաստեղծի համար կապւած է բանաստեղծութեան անսպառ և մշտնջենաւոր աղբիւրներից մէկը, աղբիւր որ ոգևորել է բոլոր ժամանակների մեծ ու փոքր տաղաչափներին: Խօսքս սիրոյ աշխարհի մասին է: Իւր կեանքի մեծ մասը անց կացնելով վանքում կամ դպրոցական պատերում, Ալիշանը միջոց չէ ունեցել չփելու, ընդհարելու հասարակութեան հետ, ծանօթանալու նրա առօրեայ հոգսերին ու մտածութիւններին, մասնակից լինելու նրան լուզող շարժումներին: Կեանքից թարմ տպաւորութիւններ չը ստանալով, նա երկար ժամանակ չէր կարող ստեղծագործել ինքնուրոյն եղանակով և ալք պատճառով նրա զուտ բանաստեղծական դրւածները պիտի կրէին օտար ազդեցութեան դրոշմ, իսկ շատ շատերը պիտի ներկայանէին քնդեցիկ բառախաղութիւններ, հետտորական կամ սանտիմենտական միակերպ զեղումներ՝ առանց սակաւն ներքին բարձր արժանաւորութիւնների: Ալիշանի բանաստեղծական սաղանդը չ'ունի պատմութիւն, որովհետև չէ ունեցել դարգացում: Նրա առաջին բանաստեղծութիւնները տարբերում են վերջիններից ոչ թէ որակութեամբ, ալ քանակութեամբ, ոչ թէ դեղարեւոյտականութեան աստիճանով, ալ սիւնիկալի կատարելութեան աստիճանով: Մեր աղքատիկ բանաստեղծական դրականութեան վերայ Ա-

1) Չենք յիշատակում Ալիշանի մանր դրւածները և թարգմանութիւնները: Իսկ նրա հրատարակած բազմաթիւ հին դրւածներից նշանաւոր են մասնաւորապէս Անսիքը Անտիոքայն:

լիշանը ունեցել է որոշ ազդեցութիւն, բայց թէ անպայման բարեբեր է եղել ալդ ազդեցութիւնը՝ կասկածել կարելի է: Այսքանը գոնէ պարզ է մեզ համար որ Ալիշանի հետեողները շատ անգամ մշակում են ձեր 'ի յիսաս բովանդակութեան:

Վանական կեանքը աւելի նպաստաւոր է գիտնական պարապմունքների համար, և Ալիշանը աւելի լաւ գիտնական է քան բանաստեղծ: Եթէ նրա «Նուազների դարը» անցել է արդէն, «Սիսուանի» դարը դեռ նոր է սկսւում: Ուզում եմ ասել որ գալոց սերունդը կը մոռանալ բանաստեղծ Ալիշանին, բայց մեզանից աւելի կը լինէ գիտնական Ալիշանին: Սակայն տեսէք որ վանական կրթութիւնը խել է ալդ գիտնականից նրա անպատեւելի իրաւունքներից մէկը՝ ազատ քննադատութեան իրաւունքը: Ալիշանի գիտնական երկասիրութիւնները թանգագին, գիտնականօրէն ստուգւած տեղեկութիւնների հետ միասին ներկայացնում են դժբախտաբար և ալնպիսի տեղեկութիւններ, որոնք պատմական ստուգութիւն կարող են ունենալ մի միայն ժալդալի աւանդապահութեան տեսակէտից: Կրօնաւորի նեղ աշխարհայեցողութիւնը թող չէ տալիս նրան անպդտոր հալեացք ձգել պատմական անցեալի վերաջ:

Մի Յովհան ոսկեբերան բարձր է, նրա տեսակէտից՝ Կիկերոններից և Իլիմոթէններից, որովհետեւ Ջամարիտ իմաստասէր միայն քրիստոնէական կարող է լինել: Սիսու ըմբռնած ազգասիրութիւնը Ալիշանի թելադրում է համեմատել Սիլիշին Փսեմոփոնի հետ և անգամ առաջինին նախապատուութիւն տալ: Պապական տեղեկեցիան մուտք է գործում Ալիշանի ալնպիսի աշխատութիւնների մէջ, որոնք նրա զարմանալի էրուդեցիալի կոթողներն են համարւում: Միստիցիզմ և ասկետիզմ են չնչում նրա փիլիսոփայական տեսութիւնները, խունկի և կնդրուկի հոտ է բուրում նրա նկարած պատմական գործիչներին:

Ալիշան անտարակոյս հայրենասէր է. բայց նրա հայրենասիրութիւնը, բացի ալն որ չափադանց սերտ է կապւած Հռովմէական եկեղեցու զաղափարի հետ, հողատ է (беровеніѣ), չ'ունի հաստատուն կռւան, որովհետեւ նա հիմնւած է ոչ թէ ժողովրդի աշխատանքի զրուութեան, այլ ազգի անցեալի վիշատակարանների ուսումնասիրութեան վերաջ: Կլասիկական Հայաստանի սիրահար՝ Ալիշան սիրում է իւր հայրենիքը, ինչպէս հումանիստները սիրում էին նախնական Հռովմէ ու Յունաստանը: Դասական գրոց լեզուի աշակերտ՝ Ալիշան հնչտ չէ հաշտւում աշխարհիկ լեզուով գրելու անհրաժեշտութեան հետ: Հայրենի հողից հեռու, Ալիշան միայն գրքերից և ուրիշների պատմածներից է ճանաչում իւր հայրենիքը: Առհասարակ հասարակական ախտերի, ժողովրդի ցաւերի և պիտուքների անծանօթ, նա չէ հասկանում և հալ ժողովրդի աշխատանք պահանջները: Նա գիտէ որ աշխատանք հայրենիքը էլ առաջւանդ չէ և ողբում է իւր ազգի վերաջ, բայց չէ կարողանում ողբալ իւր ազգի հետ, որովհետեւ չէ ապրել նրա հետ: Ուրպէս հայրենա-

սէր, Հ. Ալիշանը մին ահա պէտէ, արեւինչ մեզ գոնէ հալըրիկ է հարկաւոր:

Պէտք է արդեօք աւելացնել որ արա՛ գուցէ անխորթ նկատողութիւնները ամենևին չեն արգելում մեզ խոստովանելու նահապետի՝ հալական գիտութեանը և գրականութեան արած մեծամեծ ծառայութիւնները: Հալ հասարակութիւնը, մեծ հանգիստով սօնելով Ալիշանի գրական-դիտեական գործունէութեան վիճամեակը, ապացուցեց որ գլխէ արժանապէս զնահասուել իւր գործիչներին՝ ազատ որ և է կրօնական նախապաշարմունքներին: Բայց դո՛ւ հանդիսաւոր սօնախմբութիւնը չը համողեց արդեօք հարեւասել որ միութարեաններին, որ մեղաւոր էր կալարեւ հալ-կաթուրիկութիւն, բայց չը կալ կաթուրիկ հալութիւն... Ժամանակ չէ արդեօք հրաժարուի «հերձածող» հայերիս դէպի կաթուրիկութիւն դարձնելու անաքանդ և ազգակործան ձգտումներին:

Ս. Վաղարու կզգործ առաջին անգամ մի քանի ժամ մնալով, ևս բախտ ունեցաւ ծանօթանալու միաբաններին շատերի հետ և վալիլիու նրանց հիւրասիրութիւնը: Զաշից չեսող «հալոց դպրութեան պատմութեան» պատկառելի հեղինակի՝ Հ. Վարեգին Զարբանալեանի սիրալիր առաջնորդութեամբ. ևս ալցելցի եկեղեցին, թանգարանները, մատենդարանը և տպարանը: Այդ ամենը, որ բազմիցս նկարագրւած է մեր գրականութեան մէջ, շատ գեղեցիկ ապաւորութիւն արաւ վրաս: Իմ ուշադրութիւնը գրաւեց մանաւանդ մատենդարանը, որի գրքերը և ձեռագրերը պահուած են օրինակելի խնամքով՝ հիւանալի սպահարանների մէջ, երկու լուսաւոր, ապահով սենեակում: Ի՞նչ հագին տարբերութիւն լիցիւմների մատենագրանի մոպ, ցուրա և խոնաւ սենեակներից, որակ տափին աասն երկու ամիս մկներ էին սլար գալիս և նոր ստացած գրչագրերը թափուած էին անխնամ՝ չատակի վերալ... Սակայն արդարութիւնը սպահանջում է ասել որ վիւլենետիկ միութարեաններն էլ աւելի լաւ են պահպանում իրանց մատենադարանի գանձերը, քան ուսումնասիրում և լուս ընծալում, և ալդ կողմից անհամեմատ աւելի գործ են կատարել ալժմեան միաբաններին նախորդները միութարեան նոր սերնդի գրեթէ բոլոր մտաւոր արտադրութիւնները ամփոփում են մի պարբերական հանդիսի մէջ, որի բազմախոստաց վերնագրին ամենևին չէ համապատասխանում իւր անգոյն և աղքատ բովանդակութիւնը: Եւ ևս երկիւղ եմ կրում որ Ալիշան վերջին աստղը լինի Ս. Վաղարու գրականական հորիզոնի վերալ եթէ միայն մի թարմ հոսանք չը մտնի ալժմեան անշարժ միաբանութեան մէջ: Արդարեւ երիտասարդ վարդապետների մէջ կան մի երկու հոգի, որոնք աշխատում են ընթանալ նահապետի շաւղով, բայց նրանց պակաս է հոշակաւոր ուսուցչի մատենագրական տաղանդը և ջանասիրութիւնը. դրա փոխարէն նրանք փոխ են առնում նրանից նրա բացասական չատկութիւնները՝ ծաւրալեղ հնապաշտութիւնը և ճոխ լեզուն, որ իւր ձևերով ոճերով, ուղարձածներով ծաղրելի լինելու չափ արուստական է:

Հետեւեալ օրը խաւացի ուղեցուցիս հետ ի միջի ալից ևս զնացի Մուրատ-Ռափայէլեան ուսումնարանը, Դա մի ահագին շինութիւն է, որ ինչպէս ճիշտ նկատել է Հ. Բաստամեան, նման է աւելի մի մեծատան պալատի, քան մի դպրոցի: Այդ տան ճակատին ես կարողացի հալերէն. «Մուրատ Ռափայէլ (??) վարժարան»: Մտնելով ներս, ալցեստմոս տւի պահպանին և լատենցի դալուս շարժառիթը: Մի քանի րոպէից լստու դուրս եկաւ մի բարձրահասակ շիկահեր և քաղցրութեամբ պատասխանելով իմ բարեին, հրաւիրեց ինձ իւր սենեակը: Դա Հ. Սամուէլ Գանթարեանն էր, Ղազար փարպեցու պատմութեան ֆրանսերէն թարգմանիչը: Նա ցոյց տուաւ ինձ ուսումնարանի ընդունարանը, հանդիսարանը և մի քանի ուրիշ սենեակներ, բայց ես չը տեսաւ ննջարանները, որ ալնքան մուլս գոյներով էր նկարում Հ. Բաստամեան: Աչք ածելով հանդիսարանը ես ապշեցաւ նկատելով ալդ չքեղ դահլիճի կահ կարասիքը, որ պատած էր կեղտոտ, պատառոտած ծածկոցներով, իմ դարմացական հարցմունքին Հ. Սամուէլը պատասխանեց՝ որ ալդ ծածկոցները՝ կահ-կարասիքը մաքուր պահելու համար են, բայց թէ ինչու կեղտոտ և պատառոտած, ալդ մութ մնաց ինձ համար: Իմ լարգելի առաջնորդը կամեցաւ ներկայ անել ինձ նտն Հ. ձէլալեանի դասին: Մենք մտանք մի փոքրիկ թէն լուսաւոր սենեակ, որտեղ հին, առողջապահական կանոններին անհամապատասխան նստարանների վերայ նստած էին մօտ 30 նիհար գժգոյն աշակերտներ: Պատուհանի մօտ կաթեղրի աթոռի վերայ նստած էր ուսուցիչը՝ մի թխահեր, սև՝ կրակոտ աչքերով վարդապետ: Մեր մտնելուն պէս բոլոր աշակերտները՝ կարծես մոգական դաւադանի ազդմամբ, վալրկենաբար ոտքի կանգնեցին: Ողջունելով, ես խնդրեցի նստեն, նրանք մնացին անշարժ: Նա կրկնեցի և երեքկնեցի լնդիրս, բայց դուր, նրանք չը փոխեցին իրանց սպասողական դիրքը: Նա հարցական հալեացք ձգեցի ուսուցչի վերայ, սպասելով նրա նույնիմաստ հրամանին, բայց աչս անգամ էլ զուր անցաւ չոլսս... խեղճ մանուկներին չը չոգնեցնելու և ինձ չիմար դրութիւնից ազատելու համար, շնորհակալութիւն և մնաց բարև առելով, դուրս եկաւ: Անցաւ մի քանի անկարդ և դատարկ դասարաններով և իջալ ցած, խիստ աննպաստ զաղափար կազմելով ալդ իրաւամբ բարի համբաւ չ'ունեցող վարժարանի մասին:

Միւս օրը ես կրկին ալցելեցի Ս. Աղաբուլ վանքը: Հ. Գարեգին Զարբանեալեանի հետ ես բախտ ունեցաւ ալս անգամ ներկայանալ գեր. Իզնատրոս արքահալը Կիւրեղեանին: Դա մի բարձրահասակ, վալելչադէմ, 50—55 տարեկան մարդ է որի բարեկիրթ վարուողութիւնը և չափաւոր հալեացքները միանգամաւն լարմարում են իւր բարձր գրութեանը: Նրբ մենք մտանք նրա սենեակը, նա ձեռին բռնած ունէր մի գիրք և, ինչպէս երևում էր, կարգում էր: Նա ընդունեց ինձ քրիստոնէութեան աւաջին դարուն վալել պարզութեամբ և ձեռի գիրքը, որ մի շարական էր, աչքիս

առաջ դնելով, սկսեց ինձ բացատրել բառերի զլխին զրաժ նշանների զօրութիւնը: Մեր խօսակցութիւնը անզղալի կերպով անցաւ մեր հին և նոր դրականութեան և մեր հոգևորականութեան արգի վիճակին: Գեր. Կիւրեղեան մի ժամանակ հալոց լեզուի դասեր է տւել պ. Գրիգոր Արծրունուն. նա զովասանքով էր խօսում «Մշակ»-ի խմբագրի մասին, բայց հաւան չէր նորա ալժմեան հալերէնին: Վիճաբանելու տեղը չէր ի հարկէ. և առանց պաշտպանել կամենալու «Մշակ»-ի լեզուն, հարցը ընդհանրացնելով ես նկատեցի որ ռուսահալոց մամուլն առհասարակ աւելի բնական և ընդարձակ միջոցների է դիմում աշխարհիկ գրական լեզուն մշակելու և հարստացնելու համար, քան տաճկահալոց մամուլը, որ իւր գրաբառամոլութիւնը հասցնում է ծալրալեզութեան: Մեր հոգևորականութեան մասին խօսելիս, գեր. Իգնատեոսը խիստ ժուժկալ էր և չը նալած իմ նկարած տխուր սլատկերին, նա հաճութեամբ խոստովանում էր մեր ժամանակակից հոգևորականների մէջ նաև լուսաւոր անձերի գոլութիւնը: Ի դէպ է ալստեղ լիշատակել որ ս. Ղազարու միաբանները ամենալն լարդանքով էին վերաբերում գէպի մեր կրօնական համոզմունքը: Ուրքան ես կարողացաւ դիտել, ալք մարդիկ կաթօլիկ են ոչ միալն համոզմունքով, ալ և գործնական հալրենասիրութեան տեսակէտից հռովմէական եկեղեցուց դուրս չնն որոնում փրկութիւն հալոց ազգի համար: Նրանց կարծիքով՝ մեր ազգի դժբախտութիւնը առաջացել է՝ մեզանից զօրեղ և բարգաւաճ քրիստոնեալ ազգերի դաւանութիւնը չ'ընդունելու կամակոր ցանկութիւնից, և մեր փրկութիւնը ալն կը լինի որ կրօնափոխութիւնով ուղղենք մեր սլապերի սխալը... Ազգպէս են դատում Մխիթար Սեբաստացու աշակերտները. ուղիղ թէ սխալ՝ բայց ալդ է իրանց ասելով, իրանց խորին համոզմունքը: Համոզմունքի դէմ մենք, ի հարկէ, բան չ'ունինք, բայց մեր խորին համոզմունքովն էլ մխիթարեանների ալդ համոզմունքը նոլն տեսակ անաքրօնիզմ է, ինչպէս իրանց «Բազմալմէպ»-ի լեզուն ¹⁾:

Իրիկնադէմին, երբ հ. Ղևոնդ Ալիշան ձեմում էր պարտիզում, երիտասարդ հ. Բարսեղ Սարգսեանի հետ ես մօտեցաւ նորան: Շուտով խօսք բացի «Ալարատ»-ից, որի լուս տեսնելուն անհամբեր սպասում էի: Գործի տպագրութիւնը ղեռ չէր վերջացել, բայց նահապետը ալնքան բարի եղաւ և պատրաստական, որ աննկատելի կերպով մեզ թողնելով, գնաց և մի րուպէից լետու վերադարձաւ՝ ձեռին «Ալարատ»-ի մի քանի տպագրած թերթեր: Դա մի մեծ սիւրպրիզ էր՝ որ արաւ ինձ նահապետը և մի և նոլն ժամանակ մի նոր և փալլուն ապացոլց ալն անհուն համեստութեան, որ նշմարել էի ես մեր ծանօթութեան առաջին վալրկեանից: Թերթելով գիրքը նա տալիս էր ինձ բացատրութիւններ մի ալնպիսի եղանակով՝ կարծես

1) Տե'ս «Մուրճ» 1890 թ. № 4.

թէ խօսքը իւր աշխատութեան մասին չը լինէր: Կը հաւատա՞ք, Եթէ ասում որ այդ մարդու բերանից ես ոչ մի անգամ չը լսեցի և ս ղերանունը:

Ամբողջ մի ժամ էր, մենք ման էիք գալիս և ծերունի գլտնականը չէր ցուց տալիս բնաւ լոգնածութեան նշան:

— Հայր սուրբ, օգտւեցի ես դէպքից, Երբ նա իմ հարցին պատասխանեց թէ դեռ վաստակած չէ, — հայր սուրբ, դուք կարող էք ճանապարհորդել Հալաստան:

— Երուսաղէմ պիտի հանապարհորդեմ, կատակ արաւ նահապետը, ակնարկելով վերին Երուսաղէմը:

— Ո՛չ, ո՛չ դեռ վաղ է. դուք դեռ բաւական առուզ քք ձեր սիրած հալրենիքը ճանապարհորդելու համար:

— Ուղիղն ըսեմ, լրագրերուն մէջ երբեմն ալնպիսի բաներ կու կարդամ, ալն կողմի քաղաքներուն վրայ որ կը զգուեմ:

— Ի՞նչ...

— «Սատկոտած կատուններ, շներ...», շարունակեց նա կատակը:

Պարզ է որ ծերունի բանաստեղծը չէ ուզում սիրտը մորմոքել և «անդէն ի տեղւոյն տեսնելով անփառունակ հալրենիքի» ողբալի վիճակը, որ ալսպիսի սրտաշարժ խօսքերով է պատկերացնում ինքն իրան:

Տեսէք գեղանքն ու քաղաքընին խառնուփընդոր,

Սառնապաղուկ գետոց ջրերբն՝ լարիւր լորդոր:

Տեսէք ռամիկն ու մեծատուն ամէքն աղքատ,

Տընակորոյս բարբարական դաշտէ ի դաշտ:

Փախչեն գընան, չը գիտեն ո՛ւր, լետք չը նալին,

Ջի սուրն անգութ փրոէ դալնոնք ցուրտ ի գետին:

Դոքա ալ ո՛ւր ըղիալս առել ըշտապ կ'երթան, —

Ամէնքն ի մէկ տեղ. ո՛հ, ամենքն ի գերեղման:

Ահա ծերեր, որ հարկևոր ալիքն առել

Փախչիլ փորձեն, փորձանք գոչեն, ընկնին մեռել:

Ահա անսիրտ խեղճ կընկըտիք, որ անլաչակ,

Յետ էրկուն կանչւրոսելով, մընան մի՛նակ:

Պարկեշտ աղջկունքն, որ արևէն ծածկըւէին,

Դաղանակերայ մարգկան ձեռքէ ի ձեռք ընկնին:

Ահա մատղաշ մալրն, որ գըստենի տըղեկն առեր,

Լեղապատառ խոլու մոլոր կ'երթալ վը՛նր,

Պահ մի թողու զտըղալն ի վալր, դէմ գալ դահճին,

Յամբած ծոցիկն առել՝ մօտ գութ լիչէ նմին:

Բայց սուրն անեղ ոչ մօտ գթալ ոչ որգեկին,

Ծաղիկն ու ճուղ մէկտեղ կըտրէ վառ վառ նւին:

Կաթն ու արիւն դինչ եղ ու մեղր (?) հետ կաթկթին...

Հրեշտակք, թէ գութ ունիք՝ հանէք զայս կաթս լերկին: —

Հասաւ իմ գնալու ժամը: Պարտիզում արդէն ցուրտ էր: Թեթեւ հողմից ս. Ղազարու ծառերի տերեւները զողում էին. ծովը շորերի՝ վերայ նստում էր խոնաւութիւն: Վաշի մուտքի մօտ, որտեղ ինձ սպասում էր Մխիթարեան նաակը կանգնած էին մի քանի միաբաններ:

—Գրոց չիշատակարաններ զրկեցէք, ասաց ինձ հ. Ալիշան, երբ ես վերջին անգամ համբուրեցի Նորա աջը:

Խո սեղմեցի հ. Գարեգին Զարբանալեանի ձեռք, որ այնքան սիրալիւ ընդունելութիւն արաւ ինձ, շնորհակալութիւն և մնացէք բարեաւասացի միւս վարդապետներին և ճանապարհ ընկալ, հետո տանելով քաղցր տպաւորութիւններ: Բայց դեռ երկա՛ր երկա՛ր նայում էի ևս ս. Ղազարու կանաչադարձ կղզեակի վերայ, մինչև բոլորովին ծածկւեց աչքիցս:

Հետեեալ օրը՝ առաւօտուն, երբ երկաթուղու կառախումբը տանում էր ինձ դէպի «պաւտենական քաղաքը» և ես հաշիւ էի պահանջում ինձանից Վենետիկ ստացած տպաւորութիւնների մասին,—ինձ ծանօթ մարդկանց բազմութեան միջից՝ երեսակալութեանս մէջ կենդանի պատկերացաւ մի ալևոր ծերունի՝ կուռտ գլխով, խորշոմներով պատած լալն ճակատով, թաւ-լօնքերով հովանաւորւած խոշոր աչքերով և ձիւնի պէս սպիտակ մօրուքով:

—Գրոց չիշատակարաններ զրկեցէք, մտաբերեցի ևս հ. Ղևոնդ Ալիշանի՝ ինձ ասած վերջին խօսքերը: